



КОНКУРС «Астана и Президент»

Молдақайырова М.,

№ 6 орта мектебінің 11 сынып оқушысы

Көзіңді аш оян, қазақ, көтер басты,
Өткізбей қараңғыда бекер жасты,
Жер кетті, дін нашарлап, хал харам боп,
Қазағым, енді жату жарамас-ты! -

дейтін Міржақып Дулатовтың жалынды өлеңі қазақ жастарын, халқын ертеңге жетелеген дауылды жылдардың елесіндей сезіледі.

Өткен тарих – ұрпаққа аманат. Қайсар елдің ұлдары еш қиыншылықтан қаймықпай, болашаққа нық қадаммен қарыштауы керек. Қиындық болмай бақытты шақ болмайтыны белгілі. Сондықтан, арттағы күндер алдағы жетістіктердің куәсі. Заман алға озған сайын мақсат пен міндеттің жүгі ауырлайтыны заңдылық. Сондықтан, арманымыз алға жетелесін! Ата-бабамыз тәуелсіздікті талай ғасыр армандап өткен. Өздерінің мақсаттары күндердің күнінде орындалатынына сенген.

Сондықтан, елі үшін, жері үшін айқасқан, түпкі мақсаттары – тәуелсіздік үшін күрескен. Ол көптен күткен ата-бабаларымыздың мақсаттары, тәуелсіздікке 1991 жылы Президентіміз Н. Ә. Назарбаевтың арқасында қол жеткіздік. Осы жылдан бергі қол жеткізген жетістіктеріміз ұшан теңіз. Мұның барлығы еліміздің ертеңгі – келешек ұрпақ үшін жасалып жатқан игі қадамдар.

1991 жылы 16 желтоқсанда Қазақстан өз тәуелсіздігін жариялады.

1993 жылы 28 қаңтарда Қазақстан Республикасы жоғары кеңесі Қазақстанның конституциясын қабылдады.

1995 жылы 30 тамызда жаңа конституция қабылданды.

1998 жыл Қазақ қазақ болып өз астанасын өзі шешкен шешуші кезең болды. Бұған дейін астаналарымызды «орталықтың» ойынан шыққан астаналар деп қарауға болады. Ақмешітке (1925ж) бізді Мәскеу көшірді. Алматыға (1929ж) да бізді Мәскеу көшірді.

Астананы Ақмолаға көшіру Қазақстанның жаңа талпынысының бір белгісі болды. 1994жылғы шілдеде астананы Ақмолаға көшіруге шешім қабылданды.

Ақмоланың аумағын адамдар өте ерте кезден-ақ мекендеген.Археологтар бүгінгі «Ақорда» маңынан ХІ ғасырдың Бозақ қалашығының орнын тапқан.Бірнеше ғасыр бойы бұл жерде Қараөткел транзиттік және сауда-айырбас орталығы орын алған.Уақыт өте келе ол Ақмола елді мекеніне айналған. 1832 жылы бұл жерде Ақмола сыртқы округі ашылып, 1862 жылы округтік қала мәртебесіне ие болған.1961 жылы Ақмола қаласының аты Целиноград болып өзгертілді және ол Тың өлкесінің орталығына айналған.

Тәуелсіздік алғаннан кейін, 1992 жылы қалаға тарихи Ақмола атауы қайтарылып берілді.Бес жыл өткен соң, яғни 1997жылы 10-желтоқсанда бұрынғы тыңның астанасы Ақмола қаласы Қазақстанның ел ордасы болып жарияланды.

Академик Қаныш Сәтбаевта кезінде Қазақстан Республикасының астанасын Қарағандыға не Целиноградқа көшіруді ұсыныпты.Ардақты ғалым, қайраткер республиканың астанасы елдің шеткі түкпірінде болмауы тиістігін айтқан екен.

Ақмола атауы ұзақ тұрмады, 1998 жылы 6-мамырда Ақмола Астана болып қайта аталды.Астана деген ғұндардың тілінде «Батыс орталық» деген мағына береді екен.Астана тоғыз жолдың торабында тұрған қала.Жалпы әлемдегі үлгі-қалып бойынша қала астана болу талаптарына сай.

Қазақстан астана ауыстыру ісін аса табандылықпен қолға алған, Қазақстанның тұңғыш Президенті Нұрсұлтан Әбішұлы Назарбаевтың тарихи ерлігі, ел басшысы ретіндегі көрегендігі, көзі жетіп, көңілі сенген істен қайтпайтын қайсар табандылығы мен ерлік-жігерінің молдығынан еді.Мұндай іске тек өз ісінің дұрыстығына бар болмысымен сенген және осы жолда қандай қиындық кездессе де қалтқысыз қолдау көрсетер халқының бірлігіне сүйенген басшы ғана бара алса керек. Президентіміз сол қиындыққа төзіп, оны жеңе білген халықтың бүгінгі өз игілігі үшін, ертеңгі болашағы үшін болатын қиындықтарға қандай жағдайда да төтеп беретініне сенді. Ол қазақ халқының астанасын ғана өзгерткен жоқ, барлық салада, бәрінде түгелімен, түбегейлі өзгертті.

[Введите текст]

Астана қаласын дамытудың әрбір қадамы Н.Ә.Назарбаевтың тікелей басшылығымен, қадағалауымен жасалып отыр. «Астана менің перзентім» деген сөзді Президентіміздің аузынан жиі естиміз.

Астана елдің жаңаруының символына айналды. Астананың архитектурасында әр түрлі стилдер қатар қолданылған. «Пирамида» деп атап жүрген Бейбітшілік пен келісім сарайының жанынан жаңа тәуелсіздік сарайы салынған. Оның алдында «Қазақ елі» деп аталатын үлкен монумент орнатылған. Оның биіктігі 91 метр. Бұл біздің тәуелсіздігіміз қолға тиген 1991 жылды еске салады. «Бәйтеректің» биіктігі 97 метр, ол елордасы Алматыдан Астанаға көшіп келген жылдың екі цифрына сәйкес келеді. Біздің астанамыз қай жағынан қарағанда да кісі қызығарлықтай.

Астананы көшірер кезде қазақтың саны Ақмолада тіпті аз болған. Осы кезде қазақтың басы өсті. Қазір Астана нағыз қазақтың қаласына айналған.

Оңтүстіктен жұмыссыз халықтың біразы Астанаға келген. Демографиялық жағдайы өзгерді. Біз Астана салу арқылы Қазақстанның мүмкіндігін бүкіл әлемге көрсеттік. Дүниежүзіне архитектураның үздік үлгілері бойынша қала тұрғыза алатынымызды таныттық.

Астананың көркеюі – ел дамуының негізгі көрсеткіштерінің бірі.

Мемлекетіміздің басшысы Нұрсұлтан Әбішұлы Назарбаевтың батыл қадамы мен аз ғана уақыт ішінде бой көтерген көз жауын алар әсем Астана жедел дамып, көркеюде.

Сарыарқаны қазақ рухының символы десек, оның төрінде орналасқан Астана қаласын бірлік пен татулық, парасат пен сенімнің ордасы деп қабылдаймыз.